

# 卷二

書名 二刻八卷補二卷 (二刻)乾隆二十八年刊本  
 (補)乾隆三十六年刊本  
 撰者 清 同德、李治運 同輯  
 卷二  
 內容分類 史-政書-法令-刑案  
 索書號 大木-法類-例案-7  
 編號 B3851000

[彩色首頁1](#)  
[彩色首頁2](#)  
[彩色首頁3](#)

東洋文化研究所漢籍目錄 編號: B3851000  
 東洋文化研究所漢籍目錄所藏漢籍善本文影像資料庫 索書號: 大木-法類-例案-7  
 漢籍善本文影像資料庫文本 二刻八卷補二卷 (二刻)乾隆二十八年刊本(補)乾隆三十六年刊本  
 版權所有: 東京大學 東洋文化研究所  
 使用上的注意事項

成案續編二刻

律例為不易之典章百官以治萬民以察其情

偽蕃變而不能兼該臨時斟酌辦理者則有成

案願成案已禁止援引恐高下其手開出入之

門意為嚴也但造輕造重以通律例之變前事

為後師詎無小補哉浙省自乾隆乙亥長

白同齋編輯成案續編十二卷頒行已久

以後歲為一帙汗漫無稽余秉臬兩

1 2 3 4 5 6 7 8 9

⑤

級

6.20m


7

8

7.5m

9

尺



成案續編  
卷二刻

丐戶改業准其捐貢案

禮部為欽奉

諭事先准浙江巡撫覺羅雅 咨稱所有由監捐貢之毛光

宗一名據縣通稟係丐戶士民紛紛呈控嗣據該府縣查明毛光宗實係毛茂生之子不容微賤之人廁身冒濫况學政全書開載娼優隸卒之家僥倖出身訪出嚴行究問斥革今毛光宗既係丐戶毛茂生之子其祖父相傳之業至今不改不便屬于衣冠之列等因咨請斥革到部經本部查雍正元年題准浙江墮民削除其業一案內開紹興

府八邑之墮民其籍曰丐行令該撫削除俾其改業自新與民同例毋得習爲污賤如仍有污賤有傷風化及地方豪強倚勢抑勒者嚴行治罪等因奉

旨依議欽遵在案是浙省丐戶久經削除卽屬良民若如該撫所稱毛光宗係丐戶毛茂生之子祖父相傳之業至今不改則習爲污賤應將毛光宗治罪不僅斥革貢生可以蔽辜如或豪強之人倚勢抑勒將已經改爲良民之人因其祖父從前之業永遠禁錮其子孫不准捐納與原議不符行文該撫遵照雍正元年原議確查聲覆到部再議等因

去後今准該撫咨稱布政司詳據該府覆稱看得龍游縣

丐戶毛光宗捐納貢監被士民余孔嘉等稟控咨革奉部行查緣毛光宗之父毛茂生原係丐戶曾爲穢賤後遵

恩旨改業毛光宗捐納貢監有已故生員余孔嘉因其出身不正攻訐咨革奉部以原議不符駁查遵卽轉行去後嗣據該縣詳覆毛茂生原習穢賤後經遵

旨改業等情卑府查學政全書內開娼優隸卒之家僥倖出身訪出嚴行究問斥革等語今毛光宗之父毛茂生本係丐戶曾爲穢賤雖遇

恩旨改業似應不准其捐納等情到司當查學院將前任學院  
彭 任內咨請蕭山縣皂隸之孫陸嘉謨不准考試一案  
內稱陸嘉謨因伊祖陸奇生曾充皂隸被衆攻訐不容應  
試查娼優隸卒之家不許與考載在學政全書不便下賤  
之人忝列衣冠玷辱官墻但有娼優隸卒之人則爲娼優  
隸卒之家若其家已無其人必無世世子孫永遠不許與  
考况浙省丐戶并各省樂籍皆令削籍爲民既令爲良自  
准與民一體考試其餘更可類推無永禁之例惟是全書  
旣無明文士林終得藉口咨請參酌定例示覆等因查全

書并會典內載娼優隸卒之類僥倖出身止習訪出嚴行  
究問黜革又議覆兩浙鹽政噶 奏內開紹興府八邑  
之墮民厚賤已極令該撫削除俾其日新又題墮民胡楚  
府懸掛同姓舉人胡文銑匾額闔郡之人以胡楚府陋習  
未改有玷斯文致啟衅端將胡楚府依律杖流等因各在  
案查娼優隸卒乃下賤之人其本身自無通曉文墨可以  
與考會典所載原指其子孫而言卽墮民削籍爲良亦不  
過除其賤業不許勒令爲醜穢之行俾之遷改自新齒于  
齊民之末並未許其考試得附士林今陸嘉謨旣係皂隸

之孫正與娼優隸卒不准考試之例相符等因該本司查得毛光宗捐納貢監前據通票毛光宗係丐戶毛茂生之子不准捐納奉部咨浙省丐戶久經削除若茂生之子祖父相傳之業至今不改卽應治罪不僅斥革可以蔽辜如或豪強之人倚勢抑勒將已經改爲良民之人禁錮其子孫不准捐納與原議不符行令遵照原議確查聲覆等因遵卽行據該府縣查明毛茂生父子久經改業但同族現爲賤業仍請斥革到司查毛茂生雖經改業但究係丐戶子孫削籍爲良不迺除其賤業不便准其捐納查毛光宗

貢生仍應請革至原首生員余孔嘉已經身故其現在之曹儀鵬等訊屬余孔嘉砌名並無抑勒情事應請免議等情到院相應咨覆貴部查照等因前來查定例娼優隸卒之家僥倖出身訪出嚴行斥革究問是以前經本部議覆蕭山縣皂隸之孫陸嘉謨不准應試其浙江墮民丐戶山西樂戶廣東蛋戶皆經奉

旨削籍令爲良民概予自新毛光宗旣遵旨改業卽不在娼優隸卒之例至其同族之人尚爲汚賤則係地方官不能寔力奉行所致若因此將毛光宗貢生斥革

則

功令並無因族人連坐之例相應行文該撫嚴飭各所屬地方官遵照雍正元年原議辦理可也乾隆二十年正月初九日准咨

改嫁之姑強賣孀媳此依疎遠親屬圖財強賣例擬擬

擬流案

刑部爲圖產逼節買良爲賤事該臣等會看得傅李氏嫁賣傅繆氏孫永清強娶給工人陳善爲妻尚未成婚一案據河撫圖疏稱緣李氏先嫁傅起用爲妻生子傅章娶妻繆氏傅起用遺有田地十五畝并器物等項李氏改嫁悉歸傅章管理傅章物故繆氏撫養繼子幼女與弟繆坤同住守節過日李氏心懷不甘欲將繆氏嫁賣得其家產嗣李氏之姪李有貴往李氏家傅焜亦同在坐李氏復言

妻嫁繆氏言明聽伊等分用財禮俱各允從李有貴素知  
余鐸做媒託其覓主余鐸知孫永清工人陳善欲娶至孫  
永清家說知孫永清因與傅章有嫌與圖買氏使喚洩忿  
余鐸告知李有貴隨同傅焜往告傅李氏言明財禮錢文  
華永祿遂邀鄭有貴馮立婚書定于二月初六日早搶拍  
李有貴復邀李克明李有林同傅焜余鐸華永祿鄒大倫  
齊至李氏家內李氏先往繆氏家看守嗣李有貴傅焜進  
屋即將繆氏推至門外捺入轎中抬至孫永清家得財禮  
錢十三千李氏令伊等俵分而散孫永清即令陳善與繆

氏成婚繆氏矢志被陳善毆逼願死不從陳善畏懼不敢  
復強並未失節李氏于繆氏出門後即將傢伙糧食牲畜  
衣物儘行搬回嗣繆坤回歸探知情由控縣飭審并咨革  
孫永清貢生屢訊不諱將孫永清擬流不准援減傅李氏  
比例擬流 奏請

定奪援

赦免罪傅焜等分別擬以徒杖援免等因具 題前來應如該  
撫所題孫永清合依強奪良家妻女尚未姦污例杖一百  
流三千里至配所折責四十板雖事犯到官在



恩詔以前但事閤商謀搶買孀婦情罪較重不准援減傅李氏  
應比依疎遠親屬圖財強賣擬絞例量減一等杖一百流  
三千里照律奏請恭候

諭旨遵行但事犯到官在

恩詔以前與犯法婦人免罪

赦款相符應予援免該撫既稱傅焜李有貴余鐸華永祿同謀  
強嫁均合依爲從減一等律各杖一百徒三年李克明李  
有林應照逼誘隨行止于帮同抬扛例杖八十陳善強娶  
繆氏由孫永清作主律得免議但繆氏守節不從不合肆

行毆逼應與代寫婚書之鄭有貴均合依不應重律杖八  
十查李有貴傅焜雖事犯在

恩詔以前但事閤商謀搶賣孀婦情罪較重不准援減陳善李  
克明李有林鄭有貴各杖罪均請援免余鐸華永清徒罪  
各減爲杖一百折責四十板時逢熱審減等發落迯犯鄒  
大掄緝獲另結所得財禮錢文照追入官等語查陳善豈  
有不知伊催主強買孀婦配伊乃強逼毆打情殊可惡應  
不准援免均應如該撫所題完結等因奉

旨依議乾隆二十一年十一月初四日邸抄

婚姻

刑部為訪拿事該臣等會看得王文傑謀佔服孀王裴氏  
 家產賄捕聶八等誣氏與夫前妻之子王文斗通姦強逼  
 改嫁照光棍例分別定擬案  
 刑部為訪拿事該臣等會看得王文傑謀佔服孀王裴氏  
 家產賄捕聶八等誣氏與夫前妻之子王文斗通姦強逼  
 改嫁照光棍例分別定擬案  
 刑部為訪拿事該臣等會看得王文傑謀佔服孀王裴氏  
 家產賄捕聶八等誣氏與夫前妻之子王文斗通姦強逼  
 改嫁照光棍例分別定擬案

謀佔服孀家產賄捕誣姦強逼改嫁照光棍例分別定

擬案

刑部為訪拿事該臣等會看得王文傑謀佔服孀王裴氏

家產賄捕聶八等誣氏與夫前妻之子王文斗通姦強逼

改嫁一案據直督方 疏稱緣王文傑欺裴氏孀居子僕

圖佔其產因氏守節無隙可乘時裴氏與夫前妻之子王

文斗娶總丁氏不服官教裴氏掌責丁氏一下經丁氏外

祖李君美將氏接回王文傑因文斗患病時臥母坑遂疑

裴氏母子有姦卽往告伊戚李八覓主嫁賣許以酬謝李

八舉薦捕役聶八能辦此事後王文傑與旂人馬有容相商許給錢五千文邀尋聶八懇其提姦嫁賣事後願謝驪頭聶八以姦情不寔難以見官必須卽有娶主始保無事王文傑遂云令康三娶去約在馬有容家定局馬有容將康三之姪康成業喚至與聶八等公議提姦以後將裴氏嫁給康三而康三希圖裴氏資財囑托馬有容之父馬信成全其事康成業體會康三之意遂許給馬有容銀十兩聶八銀四兩託其料理尚有段五王三秀踵至爲聶八說合向王文傑許給聶八銀五十兩段五王三秀欲染指二

十兩寔許聶八銀三十兩各散聶八邀弟聶九並王大嘴攜帶練鑠繩子赴王文傑家等候聞隙拏姦王文傑囑王文斗伴母同寢王文斗墮其術中遂與母裴氏同炕隔別分寢王文傑引領聶八等齊至裴氏院內聶八撥門入室見裴氏與王文斗分臥炕之東西穿有衣服聶八以姦無憑據卽將裴氏小衣服脫剝用繩拴細復脫剝王文斗小表肆行鎖鑰逼問姦情不認又娶鉄通條向氏嚇稱燙烙裴氏被逼妄認始將裴氏兩手鬆放給與衣服王文傑遂令寄信康三令其往娶康三卽遣伊姪康成業前往成契

馬有容因康成業年少令其頂名代娶聶八卽指康成業  
爲娶主逼氏改嫁裴氏恐又凌辱佯爲允從馬有容卽代  
寫賣契王文傑詭稱裴氏情愿改嫁詎父王吉顯書押康  
三前往迎娶聶八拉氏出門裴氏至康三家康三毆打持  
刀恐嚇強拉成婚王文傑於裴氏出門之後卽將王文斗  
家大門堵塞與牆折毀拉運騾頭糧食再將家產給伊收  
管將王文傑依光棍例擬斬立決聶八康三擬絞等因具  
題前來除馬信李八病故毋庸議外應如該督所題王文  
傑合依光棍爲首者斬例應擬斬立決聶八合依光棍爲

從例擬絞監候秋後處決刺字康三合依強奪良家妻女  
姦佔爲妻者擬絞律應擬絞監候秋後處決該督旣稱聶  
九王大嘴聽從聶八指使跟隨疑姦尚無幫同摺鑽情事  
合依光棍爲從絞例量減一等杖一百流三千里康成業  
串謀許賄代叔頂取應照強奪良家妻女姦佔爲從例量  
減一等杖一百徒三年馬有容同謀圖賄係旂下家奴合  
依入旂照惡光棍生事擾害良人者發寧古塔爲奴段五  
王三秀從中講賄公受銀兩均應照強奪良家妻女姦佔  
爲從例杖一百流三千里王吉顯聽子王文傑之言混行

主婚應照天家搶奪強嫁孀婦按服制加三等例應杖八十徒二年等語均應如該督所題完結再查監斃流犯一名之管獄官宛平縣典史徐圯已經病故毋庸議署宛平縣事施廷璜自行訪查免其查議外此案聶八等身充該廳衙役明知王文傑謀產誣姦嫁賣服孀胆敢圖贓聽從指使昏夜撥門入室將裴氏母子衣服裸剝逼氏認姦強行嫁賣種種不法克惡已極該聽毫無覺察例應議處應將衙蠹害民不行查報之西路同知西蒙額照例降三級調用有加一級應銷去加一級抵降一級仍降二級調用

查西蒙額又失察衙役犯贓亦例應議處但寔係一事相因而致已照例從重議以降調毋庸議可也等因奉旨王文傑着卽處斬聶八康三俱依擬應絞着監候秋後處決其因衙蠹害民不行查報議以降調之西蒙額着該督出具考語送部引見再降諭旨餘依議乾隆二十一年六月初七日邸抄

咏火日湖外

具其端送情片具再制備首論外編劉二十一廿六氏  
 其因商論事其不查特結具制備之圖案錄其結外出  
 言王文麟管唱靈神羅人聚三其亦對觀錄其結外出  
 因而維日照回致重請以判賜其制備之圖案錄其結外出  
 查西崇勝文央察備好昨現亦因制備之圖案錄其結外出

屢次嚇逼改嫁致婦自盡改發寧古塔等處為奴

刑部為報明事該臣等會議得曾必達逼嫁已故鄒利之  
 妻張氏不從致張氏自刎身死一案據署湖撫周 疏稱  
 緣曾必達與鄒利係兒女姻親鄒利物故遺妻張氏家貧  
 曾必達量其難守遂蓄意勸嫁希圖作媒得受銀兩適遇  
 熟識之陳席珍知其無妻即謊稱張氏現欲改嫁懇懇勸  
 娶陳席珍允從曾必達復証約張氏之夫兄鄒之貴並張  
 氏之叔張新煥均各誤信為實同鄒之貴之伊子鄒尚智  
 同至陳三飯店與陳席珍會面議定財禮銀五十兩曾必

達媒銀五兩寫立婚書俟接親時財禮媒銀婚書彼此兩  
交俱各應允張新煥鄒之貴曾必達同至張氏家通知張  
氏聞知卽行怒罵旋經走出剪髮明志張新煥鄒之貴知  
係曾必達誑騙當將曾必達斥責而散隨將原立婚書扯  
毀事已寢息詎曾必達貪心未息仍思恐嚇逼嫁商與伊  
妻夏氏同往張氏家接張氏母女至伊家中張氏不允曾  
必達輒聲言于黑夜率人強搶張氏立志守節被逼不甘  
旋赴房後携刀自刎倒地殞命屢審不諱將曾必達照用  
強求娶逼受聘財因而致死例擬軍夏氏擬徒等因具

題前來查曾必達因張氏夫亡屢次嚇逼改嫁以致張氏自  
刎殞命情罪較重不應如該撫所題照婦人夫亡守志用  
強求娶因而致死例發邊衛充軍應將曾必達發寧古塔  
烏喇地方給與披甲人爲奴仍追埋塋銀一十兩給付屍  
親收領該撫旣稱夏氏合依爲從減一等杖一百徒三年  
係婦人照例收贖等語應如該撫所題完結再查張氏因  
曾必達強嫁不從自刎身死應照例准其

旌表令該撫轉行該地方官給銀三十兩聽本家自行建坊其  
該縣節孝祠內詔牌之處照

恩詔定例遵行等因奉

旨依議乾隆二十六年三月十六日抄

圖產逼嫁孀嫂致令自盡比照定擬案

刑部爲逼死女命乞驗究雪事該臣等會看得李樹養等  
圖產逼嫁孀嫂曾氏服毒身死一案先據廣撫臣鶴 疏  
稱緣李樹養與曾氏之夫李經書係同胞兄弟李經書與  
子李萬隆先後病故曾氏矢志孀守李樹養覬覦遺業輒  
思遣嫁曾氏乾隆十九年正月二十六日李樹養撞遇熟  
識之陳俊蘭談及同姓異宗之李茂生欲娶繼室託其爲  
媒李樹養卽以伊嫂曾氏欲行再醮囑令說合并將情由  
告知伊叔李松久許其酌分田產李松久允從二十八日



陳俊蘭邀同李茂生與李樹養議財禮錢六千文李樹養  
令李松文寫立婚書一同主婚李茂生隨備足禮錢連婚  
書交付陳俊蘭收貯三十日前往迎娶曾氏先已聞知躲  
避李茂生斥責其非隨向陳俊蘭取回財禮各散二月初  
一日曾氏往訴伊父曾賢仲曾賢仲勸令回家詎曾氏被  
逼不甘於初三日潛食毒草殞命屢審不諱將李樹養照  
孀婦自願守志而夫家搶奪強嫁孀婦不甘失節因而自  
盡例發邊衛充軍等因具題經臣等以例載孀婦自願  
守志而夫家搶奪強嫁孀婦不甘失節因而自盡例發邊

衛充軍等語此專指夫家母家主婚受財搶奪強嫁者而  
言今李樹養因伊兒姪物故圖產強逼曾氏改嫁以致服  
毒身死核其情罪與主婚受財者較重夫以疎遠親屬圖  
財強賣並未致斃猶擬縲首而該犯圖產逼命僅擬充軍  
殊失平允等因題駁去後今據該撫疏稱李樹養因  
圖佔故兄家產強逼兄妻改嫁以致曾氏服毒身死核其  
情罪實與圖財強賣之例相符但致死兄妻應同凡論將  
李樹養擬絞李松久擬徒減杖等因具題前來應如該撫  
所題李樹養應比照疎遠親屬圖財強賣例擬絞監候

秋後處決仍照比引科斷緣由恭候

聖主定奪再該撫 疏稱李松久係曾氏夫叔例得主婚尊屬  
未便與李樹養一例同科以致尊卑無別李松久應仍照  
孀婦自願守志而夫家搶奪強嫁孀婦不甘失節因而自  
盡者照威逼克軍例為從減一等杖一百徒三年事犯在  
恩詔以前應減為杖一百等語應如該撫所 題完結再查曾  
氏因李樹養逼嫁不從以致服毒身死應照例

旌表令該撫轉行該地方官給銀建坊其該縣節孝祠內設牌  
之處照例遵行可也等因奉

旨李樹養依議應絞着監候 秋後處決餘依議欽此乾隆二十  
一年四月初一日邸抄

徵收錢糧不卽報解攜帶出境問重杖案

刑部爲特揭虧空等事該臣等會看得叅革安福縣知縣

王廷琮虧空錢糧一案據湖撫胡 疏稱緣叅王廷琮徵

收地丁錢糧虧空銀一千二百兩一欸審緣王廷琮意欲

俟徵齊傾解因安福未設外庫將銀存收內署旋卽因公

赴省尚未將徵數摺報迨委署巴陵縣印務卽在省赴岳

未及開安嗣因安邑不能兼顧復委慈利縣兼署安福迨

王廷琮家口携銀至岳以時值封印將銀存放巴陵署內

王廷琮聽聞該州盤查之信卽遣丁將未解地丁錢糧移

送經該署縣陳惠疇將銀兩收明有案屢審不諱將王廷琮擬以開復具題前來查該撫疏稱王廷琮所徵銀兩既未捐報又不隨拆隨解已屬違例復以署專爲名私將錢糧攜帶出境並不據實稟明亦屬不合應照不應重律杖八十照例准其開復等語應將安福縣知縣王廷琮原叅革職之案照例准其開復其所徵銀兩並不隨拆隨解因委署巴陵印務將錢糧攜帶出境雖訊無先侵後吐情弊但並不據實稟明殊屬不應應照不應重律杖八十公罪律於補官日降二級留任應令該撫給咨該員送部引

見恭候

欽定等因奉

旨依議乾隆十九年十二月初九日邸抄

以侵盜題叅之知縣自盡未有確供徇隱之知府未經  
限追之前賠補亦照失察例出考送部引見

吏部爲請

旨專據晉撫鄂 疏稱原叅神池縣調任大同縣知縣孫鳳立

虧空大同神池二縣倉庫米豆穀石并叅革寧武府知府

張鎰扶同徇隱一案先經前撫臣塔 審擬具題接准部

覆令將張鎰知情接收孫鳳立私取大同縣庫銀于張鎰

名下嚴追完項報部其孫鳳立虧空神池縣倉貯豆石飭

令現任神池縣動項先行買補還倉所用價銀在于孫鳳

立之子名下追還歸款如不能完卽在張鎰名下追賠等  
因今孫鳳立虧空豆八百二十石七斗穀七百六十六石  
四斗按照時價共估銀二千三百六十二兩四錢八分零  
內除孫鳳立名下衣服田房共變價銀一千五百七兩七  
錢六分抵補外尚不敷銀一千三百四兩七錢二分零慶  
經嚴追孫鳳立之子孫方登無力完繳應在前叅守張鎰  
名下着追今據張鎰于乾隆二十五年五月二十三日照  
數代爲賠完貯庫援例詳請開復此案自乾隆二十三年  
四月二十四日接准部咨之日起除去封印兩個月連閏

扣至乾隆二十五年五月二十四日孫鳳立家屬勒追二  
年之限始滿前任叅革知府張鎰尚未起限今于乾隆二  
十五年五月二十三日張鎰卽將前項銀兩代賠全完似  
與依限賠完分別開復之例相符所有前任寧武府叅革  
知府張鎰原叅革職之案應請開復可否准其開復送部

引

見應聽部議等因前來臣等隨移咨刑部查取張鎰審擬原案  
咨送前來查臣部則例內開州縣侵挪虧空審明確寔係  
知府徇隱獨賠之項將知府照例革職離任本犯擬罪監

追勒限完補若限滿不能完足卽將本犯治罪查定係家  
產全無無力完帑不論是侵是那將未完之項盡數着落  
狗隱之知府勒限一年完補除狗隱侵欺之項雖經全完  
不准開復外係那移之項能于一年內全完准其開復若  
州縣虧空知府失于覺察如本犯侵項不能一年內全完  
者知府革職不准開復若本犯侵項于一年內全完令該  
督撫將失察之知府確查平日居官如何出具考語送部  
引

見請

上等語臣部查原奏神池縣調任知縣孫鳳立虧空一案先經  
原任山西巡撫塔 等會 奏得寧武府知府張鎰稟稱  
聞知孫鳳立虧空倉豆庫項正擬親赴盤查孫鳳立因虧  
空敗露自縊身死以該府張鎰毫無覺察含糊具稟奏奉  
革職續經審明張鎰代收銀兩補完虧項寔屬有心狗隱  
孫鳳立所虧等項俟孫鳳立之子勒追限滿無完之後卽  
照例勒令張鎰代賠在案今據岢巡撫鄂 以該員于乾隆  
二十五年五月二十三日尚未起限先于孫鳳立家屬勒  
追二年限內將前項銀兩代賠全完題請開復臣等伏查

定例州縣虧空狗隱那移之知府一年限內全完准其開復如係失察侵欺本犯于一年限內全完令該督撫確查知府平日居官出具考語送部引

見請

旨如係狗隱侵欺不准開復此案係孫鳳立虧空于事將發覺之先自縊身死故未得本犯確供該撫既照侵盜錢糧律定擬該撫即係狗隱侵欺之項例無開復之條但此案虧空孫鳳立生前究未訊取確供今該叅守張鐘又能于孫鳳立家屬名下勒追限內尚未着落張鐘依賠起限之先

即為賠補以清帑項與着追年限內賠完者稍有區別可否照失察侵欺本犯限內全完之例令該撫確查平日居官出具考語送部引

見之處理合聲明請

旨等因

奉

旨張鐘着送部引見欽此乾隆二十五年十月初五日京抄



旨題覽著該暗付良趁此滇劉二十五日午五日京

奉

旨等因

具文處照合體則請

旨出具考語該暗付

否則夫察對棋本此則內全宗文附合信無蘇查平日

酒為胡醉以書幣取與善與半則內讓宗春蘇亦國限口

將倉穀借給攬戶與借給民人不同雖代為買補不准

開復

刑部為特奏先虧後補等事該臣等會議得奏革魯甸通

判表金城先虧後補以借作完與奏革古寨巡檢王宣會

澤縣典史梁增冒籍報捐并奏革試用知縣洪楷索借狗

隱一案據署雲督愛疏稱原奏袁金城先虧後補以借

作完及王宣梁增為子孫冒籍報捐洪楷索借狗隱各款

逐一研鞠委無遁情查袁金城虧缺倉糧六百六十一石

已于未參之先照數買足存倉應毋庸議又將常平倉穀

四百四十一石借給攬戶陳啟瑞等碾米抵還兵米每石照銀伍錢計筭該銀二百二十兩五錢袁金城合依虛出通關硃鈔以監守自盜論律准徒五年所欠穀米業經代民全完例應免罪開復其以穀抵菽不行詳明合依應申上而不申上律笞四十係公罪罰俸六個月又王宣等為子侄冒籍報捐袁金城並不詳查即行批准應照不行詳查例罰俸六個月聽候部議梁增等擬以杖徒援免等因具題前來應如該署督所題袁金城合依虛出通關硃鈔以監守自盜論四十兩斬係雜犯准徒五年律應徒

五年所欠穀石已代民全完照例免罪至袁金城將常平倉穀借給攬戶陳啟瑞等碾米抵還兵米該員代為買補還倉該署督疏請開復之處查陳啟瑞等係屬攬戶並非民人袁金城將常平倉穀私借陳啟瑞等抵還兵米已屬違例雖經代為買補究與借給民人代民全完之例不符該署督所請開復之處應毋庸議其以穀抵菽不行詳明并王宣等為子孫冒籍報捐並不詳查即行批准均例應議處但已於本案革職應毋庸再議等因奉旨依議欽此乾隆二十一年四月初二日即抄

刑部為特叅運弁失察盜賣漕糧等事該臣等會議得干  
 總王琮失察旗丁羅麟玉賣米一案據東撫楊 疏稱緣  
 江淮衛九帮二十八號旗丁羅麟玉領運糶米得有行月  
 錢糧路經江南邵伯鎮因見米賤即買江米熟米附帶希  
 圖至北發賣漁利乾隆十八年四月初九日舟次聊城有  
 李在天赴船羅麟玉即將所帶江米熟米議賣江米每石  
 價銀二兩六錢熟大米每石價銀一兩五錢李在天允諾  
 先付銀五十兩李在天僱工王玉德小船即交江米七包

旗丁買米轉賣比照盜賣行月食米例問擬案

刑部為特叅運弁失察盜賣漕糧等事該臣等會議得干

總王琮失察旗丁羅麟玉賣米一案據東撫楊 疏稱緣

江淮衛九帮二十八號旗丁羅麟玉領運糶米得有行月

錢糧路經江南邵伯鎮因見米賤即買江米熟米附帶希

圖至北發賣漁利乾隆十八年四月初九日舟次聊城有

李在天赴船羅麟玉即將所帶江米熟米議賣江米每石

價銀二兩六錢熟大米每石價銀一兩五錢李在天允諾

先付銀五十兩李在天僱工王玉德小船即交江米七包

計三石五斗熟大米六十七包計三十三石五斗共三十  
 七石卸與王玉德小船裝載李在天裁給銀九兩三錢五  
 分交麟玉收明又付水手卸米出船錢每石小制錢十文  
 共小制錢叁百七十文又給王玉德船價小制錢二百七  
 十文運至河下被兵役盤獲經漕臣瑚 將押運千總王  
 琮會疏 題叅解任飭審研訊據羅麟玉供認不諱質之  
 李在天亦所供無異研訊王琮據稱領運漕糧糞米現已  
 抵通並無短少其所賣之米實係麟玉自帶江米熟米並  
 無通同狗縱等語查據該縣劉朝宗驗明現獲之米委係

糯米熟米且該船糧又經接運千總金元以押運抵通交  
 卸無虧所供似非捏飾將羅麟玉照例擬以枷責答罪千  
 總王琮並無通同狗縱應請開復等因 題前來應如  
 該撫所 題羅麟玉李在天均比照將行月食米盜賣盜  
 買例各枷號一個月責四十板該撫既稱羅麟玉所得李  
 在天米價銀兩同糧船水手得過李在天出船錢文均在  
 羅麟玉名下一併照追入官受僱小船戶王玉德雖不知  
 情但不應聽從裝載應照不應輕律答四十折責發落所  
 得船價無幾念係貧民免其追繳等語均應如該撫所題

完結再該撫疏稱解任千總王琮審無徇縱情事且非失  
察盜賣正項漕米原叅解任應請開復相應聲明聽候部  
議等語查江淮衛九幫旗丁羅麟玉盜賣米石既經該撫  
審明該弁並無徇縱情事且非失察盜賣正項漕米應將  
該弁王琮原叅解任之案照例准其開復應令總漕給咨  
赴部另補恭候

命下臣部遵奉施行等因奉

旨依議乾隆十九年四月十八日邸抄

旂丁回空飯米准其抵兌虧缺糧糶案

漕督瑚圖督喀 奏爲請

旨事切查漕白各帮丁船駕運糧糶南兌北交額有經費以資  
長途輓運之需抵通以後又給飯米以濟回空食用體恤  
深仁至周極渥上年浙西各屬秋雨過多出霜交損米粒  
未能純潔荷蒙我

皇上廛念民瘼

綸音特沛令將應行起運漕糧不論紅白糶粳俱准一體收兌  
殊恩異政無不感激歡呼惟是旂丁受兌抵通計程三千餘里

為時半載有奇沿途霉變折耗不免茲據浙江糧道傅  
詳稱漕運定例每正米一石向有耗米三升八合給予旂  
丁以作回空飯食嗣因米甫入厥復又關出恐滋弊竇遂  
議定每米一石折價七錢給丁自行買食其交兌米石如  
有虧缺仍令買米交倉不准通融抵筭此向例也往年米  
色乾潔藉有餘米尚不抵交設今歲耗米稍多則各帮旂  
丁既無餘米可交勢必貴價買米上兌而應得之回空餘  
米仍照賤價折給旂丁未免拮据請以旂丁應得之飯米  
抵補虧缺之糧糈畧為轉移而旂丁得免糴貴之虞等情

前來臣等查通倉給丁耗米原係恤丁之項嗣于雍正  
年恐倉中散米滋弊定議每石給價七錢相沿為例今米  
色既未純潔折耗自必加多須買米交倉後又自倉領價  
不無周折可否仰懇

天恩俯念今歲米價高昂旂丁艱于買糴特頒

諭旨卽以應給折丁之飯米按數收倉扣抵折耗作為收放毋  
庸折給米價如折抵之外再有不敷仍令買米交兌如抵  
耗有餘仍折給米價以符應領飯米之數俾旂丁不致具  
領賤價貴糴交倉深慕

鴻仁於靡既矣但准此次通融後不爲例臣等扎商意見相同  
理合會摺謹奏奉

硃批如所議行該部知道欽此乾隆二十一年五月初三日邸

抄

捐資施藥不准議叙案

戶部爲好善樂施額請詳題 事該臣等查得浙撫雅爾琿  
稱山陰縣監生樊國榮捐資 施藥救濟災黎經司鈔府確  
查去後茲據布政使葉存仁 詳稱樊國榮心存利濟念切

維桑緣乾隆十六年旱災之 後疫疾流行該生具呈有司  
情願于寧紹二郡各設藥局 獨捐已資施送陪賑良劑復  
于藥局延醫診視擇方發藥 自春徂冬施捨不倦全活寧  
紹兩郡有疾貧民不可勝數 據山會二縣確查冊報該生  
捐施藥料工費自乾隆十七 年二月起至十月止共用銀

二千一百五十四兩零造具冊結詳請議叙查設廠煮賑  
與開局施藥一以療飢一以療病二者原屬相須而利濟  
民生總歸一轍今樊國榮捐資施藥惠濟貧民善行洵屬  
可嘉自應照依賑例仰邀

聖恩一體加恩議叙以示鼓勵今將送到該生捐藥銀數并捐  
監事例冊結詳送察核具題等情臣覆核無異除冊送部  
外理合具題等因前來查山陰縣監生樊國榮于寧紹  
二郡各設藥局捐施藥料工費銀二千一百五十四兩零  
題請議叙之處查與王時煦陳起襄捐輸之案事屬相同

應毋庸議仍令該撫等將樊國榮捐施藥料工費銀兩查  
照成例酌量褒嘉以示鼓勵可也等因奉

旨依議乾隆十九年四月二十三日邸抄



言於諸將劉十次等四月二十一日

燕如內匪是速嘉以示短測

賊匪匪匪內令結無善保獎

失察私買鹽觔不准照私鹽經過公出免議

兵部為海梟拒殺等事會議得先經刑部咨稱

以常熟縣季洪達等販私一案奉部查取文武失察各官

職名補叅等因所有失察季洪達一起買鹽職名武職

汎係定海鎮標左營外委千總今補鎮海營把總陳得功

又左營長塗水汎署千總今補鎮海營千總武振邦兼轄

係左營遊擊陳奎又季洪達在于定海舟山買鹽出口之

日長塗水汎千總武振邦時值稽查喫咭喇國夷船公出

左營遊擊陳奎時值彈壓喫咭喇國商船公出合并聲明

原咨送吏部查議等因臣部隨移咨刑部將此案題結原案檢送過部以便查議去後今准刑部將原案咨送前來查定例軍民人等在伊界內私行煎鹽或私賣不能覺察別經查出者降三級調用兼轄官降一級罰俸一年等語又例內私鹽經過有因公出境免議之條其所管界內私買仍照例議處查此案定海鎮左營署千總武振邦兼轄遊擊陳奎于該犯季洪達在汛收買私鹽之日雖係稽查英咭喇國夷船公出但係失察界內私買鹽觔並非失察私鹽經過地方未便免議仍應照例議處應將案察季洪

達等私買鹽觔之案汛外委陳得功署千總武振邦均照例降三級調用兼轄遊擊陳奎照例降一級罰俸一年查外委陳得功已拔鎮海營把總署千總武振邦已拔鎮海營千總均應于現任內降三級調用把總陳得功于失察潘瑞龍販私案內議以革職留任此案應行革任千總武振邦無三級可降亦應革任遊擊陳奎任內有紀錄一次應銷去紀錄一次抵罰俸六個月仍罰俸六個月等因于乾隆二十五年七月十四日題本月十六日奉

旨依議其因失察私鹽議以降級用之莊綸渭俟病痊之日赴

部引見欽此于本年九月十七日浙省准咨

私賣銅觔比依私鹽律治罪案

刑部爲特叅貪鄙鬪茸等事該臣等會議得叅革桂陽州知州汪度貪鄙不職一案據湖撫范 疏稱原叅汪度各款俱經審明查汪度侵收稅銅一千五百六十四觔八兩八錢四分共銀二百七十四兩九錢九分九釐入已將汪度依監守自盜律擬斬准徒蕭天臣等擬徒等因具題前來應如該撫所題汪度除失察親友賄放私銅及審斷遲延濫禁平人各輕罪不議外其私准砂夫開壟匿不具報侵收稅銀稅銅入已共計銀二百七十四兩九錢九分九

釐合依人戶已納課程官吏人役有隱瞞侵欺者並計贓以監守自盜四十兩斬係雜犯准徒五年律應徒五年至配所杖一百係貪官不准折贖永不敘用該撫既稱私賣銅劬律無治罪正條但桂陽州廠銅係資供鼓鑄毋論額銅餘銅絲毫不許偷漏蕭天臣係爐戶乃敢行賄偷買除行賄輕罪不議外合依比照鹽場竈下夾帶餘鹽貨賣者同私鹽法律杖一百徒三年李廷玉張古奇收買餘銅行賄運賣除行賄輕罪不議外合比依無引私鹽律杖一百徒三年湯師文知情故買合比依買食私鹽因而貨賣例

杖一百徒三年巴七淡岳廷除得枉法贓計贓罪止杖責不議外合比依知情故縱私鹽與犯人同罪律各杖一百徒三年江度所得稅銀及稅銅作價二共銀二百七十四兩九錢九分九釐俱照追入官先于任所追變如有不敷一面勒限比追一面移咨原籍追變巴七贓銀一十八兩四錢淡岳廷贓銀七兩蕭天臣私銅價銀一百八十九兩八錢五釐李廷玉收販私銅六次除後五次係湯師文發本收買外該犯初次自行出本販銅得銅價銀二十九兩七錢九分七釐零并後五次得受餘利銀三十兩四分五

釐張古奇收買私銅三次除後二次係湯師文發本收買  
該犯初次自行出本販銅得銅價銀四十三兩五錢并後  
二次得受餘利銀六兩一錢五分湯師文收買私銅除蕭  
天臣四次李廷玉張古奇一次俱係自行運往給賣并得  
受餘利均已于各犯名下着追外該犯預發銅價給令李  
廷玉收銅五次張古奇收銅二次共私銅價銀三百一十  
二兩六錢九分以上贓銀俱應于各犯名下照追入官等  
語均應如該撫所題完結可也奉

旨依議乾隆十九年三月初四日 邸抄

僱人代考中式竊冒科名改發黑龍江等處安插案

刑部爲遵

旨審訊事據順天府尹熊學鵬奏送邱沈等僱倩鎗手沈孚尹

代考中式并邱聲宏倩徐晴臬頂名換卷入場一案奉

硃批該部嚴審定擬具奏欽此欽遵隨據該府尹將現獲到案

之徐晴臬鄧奕簪并書吏祁彪咨送到部經臣部行文提

督等衙門將邱沈邱四邱聲宏沈孚尹魏簡在張鳳文等

嚴拿送部去後于三月三十四月初八等日據該府尹將

邱沈等陸續咨送到部臣部逐一隔別嚴訊據邱沈供稱

伊係廣平府清河縣監生乾隆二十一年五月內來京因文理荒疎不能進場鄉試隨央素識之南宮縣人魏簡在尋人代考魏簡在向邱四鄧奕簪商議鄧奕簪答有江寧生員沈孚尹文理甚好可以代替入場隨與邱沈同至沈孚尹寓所講定中式許謝銀五百兩不中給銀五十兩潤筆沈孚尹應允邱沈遂先給銀四十兩沈孚尹先頂名錄科隨替入場中式一百八十二名舉人後邱沈給與沈孚尹等銀五百兩沈孚尹得銀三百兩餘銀二百兩魏簡在邱四鄧奕簪等分用嗣經御史陳慶升奏稱邱沈籍隸江

南本係徐姓邱沈因府尹不送會試復于今年一月內在順天府尹衙門呈辯寔係清河縣人並非冒藉經府尹行查原籍尙未覆到卽被關拿其頂名之沈孚尹不知現在何處等情據邱聲宏供稱伊係清河縣生員上年來京考過羅試恐鄉試不中魏簡在邱四說合僱覓江南人徐晴臯頂同寓患病生員張鳳文之名一同進場于場中彼此換卷議定中式謝銀二百五十兩不中給銀三十兩邱聲宏先將銀二十兩交邱四轉給徐晴臯收受後因入場不中所許銀兩並未找給等情據徐晴臯供稱伊係江南武

進縣人在京教館上年七月間因伊同寓之邱四倩伊代  
清河縣生員邱聲宏進場考試商定中式謝銀二百五十  
兩不中給銀三十兩邱四先付伊銀二十兩收受因年貌  
不符適有清河縣生員張鳳文來京赴試染病在寓不能  
入場徐晴臯密頂張鳳文之名進場與邱聲宏換卷後因  
不中索找餘銀邱聲宏不給母復向邱四鄧奕簪索討邱  
四僅給驢一頭伊賣得錢三千文迨後聽聞御史叅奏邱  
沆係江南籍貫本係徐姓以致旁人俱擬邱沆中式係伊  
代替不知徐晴臯係代邱沆之叔邱聲宏頂名換卷並未

中式而中式之邱沆乃係另僱鎗手沈姓頂替入場見報  
邱聲宏並不找中所許銀數心懷不平適值邱沆來京呈  
辨籍貫伊意圖索詐卽赴禮房書吏祁彪處探問籍籍確  
信以爲勒索之據詎祁彪不以是告卽回寓具呈欲告尙  
未投遞旋被訪獲等情臣等隨將魏簡在邱四鄧奕簪等  
再四研鞫據該犯等各將向沈孚尹徐晴臯輾轉說合及  
各該犯得受銀兩數目并徐晴臯密頂患病生員張鳳文  
名字入場換卷情節逐一駁詰俱于邱沆等供詞脗合復  
訊據張鳳文供稱伊係清河縣生員上年七月間來京鄉

試與邱聲宏在臥佛寺同寓伊已經投卷因患熱病不能進場迨至病愈場期已過隨即回家並不知徐晴臯等私頂伊名字入場情事等情臣等因徐晴臯等輾轉說合頂名換卷且據徐晴臯供稱曾有向書吏祁彪探問邱沈呈辯籍貫之語其中恐有串通該吏賄商頂換情弊隨將書吏祁彪詳加嚴審據供伊係順天府禮房今年三月間有清河縣舉人邱沈呈辯籍貫求送會試許謝伊銀二兩酌勞因邱沈尚未填寫親供難以辦理並未應允至徐晴臯向伊打聽邱沈辯籍一事伊僅答以照例辦理徐晴臯亦

即走去並無別情等語復提邱沈徐晴臯嚴加究詰矢口不移似無遁情查頂名中式之沈孚尹雖在逃未獲而現獲之邱沈鄧奕箚等已據一一供吐如繪自應先行定擬完結查科場條例內載僱倩代做賄通傳遞事發將僱代傳遞之人從重治罪等語又例內學臣考試有積慣隨棚代筆之鎗手察出審寔枷號三個月發烟瘴地面充軍其僱倩鎗手之人及包攬之人並與鎗手同罪等語今邱沈當此掄才大典例禁森嚴胆敢出銀僱覓沈孚尹頂伊名姓入場代考中式冒竊科名視尋常考棚僱倩代做其情



較重應照木例軍罪改發黑龍江等處安插以示懲儆仍  
 照例先行枷號三個月發遣雖據該犯供有母周氏現年  
 八十二歲並無次丁但係科場作弊情罪較重應不准其  
 留養卹聲宏僱倩徐晴臯頂張鳳文之名入場與伊換卷  
 未經中式應照僱倩鎗手之人與鎗手同罪例應枷號三  
 個月發烟瘴地面充軍徐晴臯雖將卹澆等僱倩贖替等  
 弊欲行首告尚未呈遞到官且係索詐未遂又未將贖張  
 鳳文一名入場換卷情由首明未便以自首論徐晴臯應  
 照隨砌鎗手例枷號三個月發烟瘴充軍魏爾在既為卹

沈代僱復為卹聲宏倩人頂替兩次得受銀兩寔係包攬  
 應照包攬之人例枷號三個月發烟瘴充軍卹沈等俟枷

號滿日均各送兵部發遣卹四鄧奕智為卹沈等從中說  
 合雖審無積慣包攬情事但各分得銀六十兩應照詐欺  
 取財計贓准竊盜論律六十兩杖七十徒一年半劄發順  
 天府定地充徒至配所折責二十五板卹彪張鳳文審係  
 不知冒名情由應毋庸議徐晴臯所得銀錢照追入官未  
 獲之沈孚尹卹沈誌甲臣部業經行文各該處嚴行緝  
 在案應仍行文江督直督提督都察院順天府轉飭各屬

嚴緝務獲送部另結其失察項名羅試送考之順天學政  
并失察入場換卷之提調監臨監試各官應俟

命下之日行文吏部查議為此謹

奏等因乾隆二十二年四月十九日奏奉

旨依議欽此乾隆二十二年五月二十五日准咨

奉天主教傳習惑眾比照定擬案

順尹李 為請

有事據宛平縣知縣羅如倫稟稱案查乾隆十五年五月內據

縣屬桑峪村民楊在祿稟報同村人張國用楊選才張顯

樞等二十六家供奉天主教經前縣審明係因修葺龍王

廟歛錢起衅當即懲治完結茲于乾隆十八年九月內據

桑峪村鄉長楊桂亮呈報張顯樞等二十餘人尊奉天主

教講經隨訊其同教姓名據楊桂亮供出張顯樞傳教張

國用張顯標李君秀楊桂學從教復准平羅汛並沿河都

司移送查獲神像一張教書二本拘齊人犯審訊據張顯樞供圖書係故父從天主堂請來從前忽于銷燬並無聚會念經等事而楊桂亮堅稱張顯樞聚集村人在于村中空舍曉夜講經男女混雜且稱張顯樞之妻即桂亮侄女亦在混雜場中聽經等語當將張顯樞枷號餘犯責懲並飭令搜出各家圖書等物送縣銷燬仍將審結緣由移明營汛忽于十二月初四日准平羅汛沿河口都司移會營兵譚國隆同鄉長楊桂亮前往張顯樞家查取圖像時張顯樞患病開枷取保在城當即前赴平日講經處所在

空棺內搜得

書館係昌平

從父村民楊

隆回營即以

稟該營都司

名供稱今年

有空棺

同鄉長搜查

一幅書八本十字架一個而舍內尚有

生員連名教讀之所彼此爭競扭結即有

長柱楊全性等勸釋而散兵丁譚國

名倡教毆兵在逃為詞具稟把總高進轉

解楊準才等并兵丁譚國隆到縣生員連

月間到桑峪村教書館設楊準才空屋為

顯樞家寄放實不知藏有圖書等物至兵丁

圖書會與口角互相扭結並無毆打情事實

稱扭結是實查驗並無傷痕及詰其曾否崇

信天主教

供故父在日曾否奉教生員至今不敢誹謗

據楊準才等

同供隨從顯樞奉教是實又據供出楊全德

楊全恩等一

十餘家復提訊張顯樞處供圖像架書俱是

故父從天主

堂請來的不知是那箇的西洋人所給如今

西華門堂內

有管事的匠人一個姓趙名聖修一個姓郎

一個姓宋一

個姓王一個姓蔣小的常到堂裡講論都是

趙聖修接見

今年七月間還有個姓劉的至桑峪村來傳

教村人供奉

他住了十餘日纔回去此人如今不在京裡

了連生員爭

出也的事小的不知道據楊桂亮供搜查圖書

是高把總出票差譚國隆同小的去的說是奉文搜查因

同到連名書館要搜連名不依就同譚國隆扭結小的從

空棺中搜出連名就走了不知他來投到是實等因具報

到臣臣查天主教來自西洋本其國俗雖荒誕謬妄稍與

白蓮等各種邪教有間終屬異域不根應行嚴禁今張顯

樞等雖據該縣訊稱係窮鄉愚民信從邪說並無為匪情

事但男女多人曉直講經有關風化且臣閱其書內幻妄

無稽悖理傷道尤不應聽其流傳惑世查乾隆十一年督

臣那蘇圖查得清苑等縣民劉英兒等傳習天主教曾經

奏明枷責完結奉

旨俞允在案今張顯樞一犯于十五年即今該縣訊究乃並不  
 悛改仍行傳教村人二十餘家從其學習該縣已枷未責  
 不足蔽辜應比照異端邪術煽惑人民為從者發邊外為  
 民生員連名除審無毆兵情事外該生在村教講明知講  
 經傳教且圖書現在彼處取出又其父久經從教明係世  
 代傳習應照違制律杖一百係生員應行學除名張國用  
 張顯標李君秀楊桂學楊準才高長柱楊全性等七犯雖  
 經責懲應仍枷號其續行供出之楊全德楊全恩及未到

案一

應照

拿甚屬

等受

皇上養泰之恩只  
 民煽惑其趙  
 之處仰請

勅下該管大臣查

該縣查明責懲完結兵丁譚國隆妄報被毆

律笞四十把總高選不待移縣擅出差票查

應聽督臣查明咨送兵部議處所有未經起

獲圖書及已獲之圖書十字架等物一并銷燬至西洋人

心各安其俗乃于禁止之後仍行轉教令村

修有無招引民人講論及列性是否回國

辦理謹將臣據稟辦理緣由恭摺具

辦理謹將臣據稟辦理緣由恭摺具

奏奉

旨知道了乾隆十

九年正月三十日邸抄

六端邪術尙未惑眾炤師巫邪術煽惑人民律減一  
擬流案

刑部為稟明憲鑒事准福督喀 咨稱張東山畫符治病

欲圖煽惑誘騙銀錢一案緣張東山籍隸上杭伊父在日

曾開藥舖張東山得有醫治傷病并大力丸等方乾隆九

年間至福安縣洋頭地方開張歇店兼行醫藥并與被水

淹死剃頭之邱國昭饒福仔常作戲法頑耍後因開店折

本遂往浙省泰順縣龜伏地方種菁仍常往福安買灰乾

隆十四年八月初間有周士浩周禮仔患吐血病症延請

張東山醫治東山起意騙錢遂捏稱有邪須符藥兼行念  
呪畫符並給丸藥服食聲稱病者一服卽好虛弱者服之  
卽能強壯又混畫符貼於門上周士浩周禮仔服其符藥  
因無效驗未經信從止各送銀一錢旋經前福安縣秦士  
望并前任福寧府秦仁訪聞張東山與邱國昭饒福仔有  
創爲神壯之事隨飭拿究秦士望拘訊係張東山自行捏  
造符呪治病希圖詐騙銀錢實無神壯亦未惑衆隨將張  
東山責懲遞回原籍安插具招通稟奉檄提回嚴究而張  
東山於八月二十九日在羅源縣西關外歇店遇見嚴經

李士盛卽私向李士盛告知欲行逃走托李士盛照應莫  
令差役趕追李士盛允從飯後解役高萬鄭捷將張東山  
押解同行因係解回原籍安插之犯聽其帶鍊前行張東  
山至水古亭地方卽從小路跑走高萬鄭捷追趕李士盛  
從後走至欄阻將高萬推跌倒地鄭捷趕上隨將李士盛  
拿獲具稟羅邑關解福安縣將李士盛收禁比緝張東山  
未經弋獲張東山逃後卽改名張文明前往浙江溫處二  
府行醫度日至乾隆十七年正月間又至泰順原任處所  
因貧苦難度復製造大力丸并符呪創爲神壯教人服食

傳習劉九滿等取名雷公教煽誘惑衆經地方文武訪聞  
通報查拿檄飭閩省嚴緝張東山適又逃回閩省因查緝  
嚴繫於乾隆十八年三月初一日自行投到經縣審解覆  
鞠無異查律載師坐假降邪神書符呪水一應左道異端  
之術煽惑人民爲首者絞等語今張東山前往福安因能  
行醫捏造符呪聲稱病者一服卽愈虛弱者服之卽能強  
壯希圖騙人服食詐騙銀錢實屬異端邪術雖曾欺騙周  
士浩等服食因無靈驗無人信從旋被訪拿責遁脫逃邪  
術尙未惑衆遽請擬絞未免過重查律例無可引用有援

引加減之例張東山應請照師坐邪術煽惑人民律減

等杖一百流三千里仍追所得周士浩等銀二錢入官查  
該犯在浙省泰順等縣地方以雷公教名色教人服壯煽  
惑多人應解赴浙省於彼案審明從重歸結李士盛雖訊  
無糾衆搶犯情事但挺身攔阻差役追捕并將差役高萬  
推跌倒地致令張東山逃走應請照聚衆中途打奪律減  
一等杖一百徒三年差役高萬鄭捷均合依不覺失囚律  
杖六十革役已經前羅源縣黃令責懲革役毋庸再議周  
士浩周禮仔延請張東山醫病雖吃符藥因無靈驗並未

邪教



信從請予免議邱國昭饒福仔均已被水淹死亦毋庸議  
張季秀飭緝獲日另解所有擅將張東山責逃回籍職名  
係前福安縣知縣秦士望又僉差不慎致被張東山脫逃  
係前羅源縣知縣黃叔顯秦士望黃叔顯俱已丁憂且事  
在乾隆十五年八月初四日

恩詔以前相應聲明聽候部議擬合咨達等因前來據此張東  
山應如該督所擬完結查乾隆十八年五月二十四日奉  
上諭嗣後各省有毆差奪犯致斃人命俱不分首從卽行正法  
其已經聚衆奪犯無論曾否毆傷差役卽照因而傷人律擬

絞欽此業經通行在案又查名例內開律自頒降以來始若  
犯在已前者並依律及已行之例定擬等語今李士盛一  
案事犯在乾隆十八年五月二十四日未奉

上諭以前應仍照舊例辦理查李士盛雖無糾衆搶犯情事但  
該犯輒敢挺身攔阻差役放脫罪犯復因差役高萬追赶  
逞兇將高萬推跌倒地以致張東山脫逃殊屬不法不應  
如該督所擬減等杖徒應將李士盛改照聚衆中途打奪  
律杖一百僉妻流三千里至配所折責四十板仍令該督  
照例年底彙題餘應如該督所擬完結等因乾隆十八年

十一月二十八日閩省准咨

異端邪術尚未戡衆照師巫邪術煽惑人民律減一等擬流案

刑部爲飛飭密拿事據浙撫鄂谷稱張東山捏造符咒誘人服壯誑騙銀錢一案緣張東山係福建上杭縣人伊父在日曾開藥舖遺有大力丸併跌打損傷等方張東山遂在外行醫度日後又轉至泰順幫人種痘不能資生輒卽起意誑騙捏造符呪誘人服壯比有張東山同鄉劉九滿寄居泰順因聞原籍父坟被馬姓毀掘于乾隆十三年四月遇見張東山談及欲圖報復張東山乘機誑令飲服

半壯先將丸藥給食次用白布畫符念咒燒灰吞服騙得  
劉九滿銀十二兩併又捏造治病符咒抄給劉九滿後劉  
九滿因全無效驗隨向張東山討銀無還取其舖蓋而回  
迨十四年四月內張東山爲族叔張雲化赴武生王春紅  
卽王瑞琳家借挑稻穀以其習武練力又誘令服壯照前  
給食符藥騙得銀錢牛穀等物王春紅亦因無效久絕往  
來嗣于十七年九月間適張東山路遇王春紅家曾送王  
春紅梅醬扇子與其贈給盤費因王春紅相付甚薄止住  
宿兩夜而去緣該犯先在閩省福安縣亦以藥誘騙被

拿獲覽簡至中途脫逃緝未獲復又潛來泰邑經道訪  
聞該犯有在泰誘人服壯情事密訪泰邑拘獲劉九滿等  
錄供通詳奉飭緝究在案嗣張東山因聞拿緊急隨自赴  
福安投到審明彼處犯案擬流詳咨奉有部覆將該犯移  
解到泰從重歸結屢審供認不諱查律載師巫假降邪神  
書符咒水一應左道異端之術煽惑人民爲首者絞等語  
今張東山捏造符咒誘人服壯雖似異端邪術但意止圖  
騙財物其哄令劉九滿等服食因無效驗無人信從並未  
煽惑多人寔與閩省所犯情事相同若擬以縲首亦覺過

重張東山應請比照師巫邪術煽惑人民律量減一等杖  
一百流三千里查該犯已在閩省問擬滿流二罪相等應  
仍解回原籍問省查覓發配所有騙得劉九滿王春紅銀  
物照追入官劉九滿出銀服壯已知被騙尚將抄給符書  
收藏不行銷毀訊無轉誘別人情事合依收藏應禁之書  
律杖一百再請枷號一個月滿日折責四十板遞回原籍  
交保安插已革武生王春紅卽王瑞琳被誘服壯並非從  
教應請照不應重律杖八十係武生圖習技勇尚未有乖  
行止應復還衣頂發學戒飭以上杖犯時逢熱審各予減

等發落逃犯張秀秀緝獲另結至此案失察張東山在泰  
誘人服壯之前任知縣姚之璧已經病故且事在乾隆十  
五年八月初四日

恩詔以前應邀免議等因抄招咨達前來據此張東山等均應  
如該撫所擬完結仍令照例彙題至議處文職以及開復  
武生事隸吏兵部應將原咨抄招送支部會同兵部查議  
可也等因乾隆十九年十一月初四日准咨

清洲烈婦准 旌表案

禮部為請

旨事禮科抄出正白旗滿洲胡圖里佐領下前鋒長五保之妻  
車佳氏請旌一案該臣等議得雍正十三年閏四月丙辰  
部具題覆准原任江寧巡撫高其倬 題川徒等縣烈  
婦趙氏等請旌一案奉

旨依議許氏程氏趙氏俱着加恩旌表凡烈婦輕生從死昔年  
聖祖仁皇帝曾降旨禁止朕於雍正六年又降旨曉諭至周至  
悉數年以來因各省奏請旌表烈婦者尙少朕是以格外加

恩准其旌表今數日之內題奏殉夫盡節烈婦烈女多至十數人直隸則有田氏等五名江蘇則有許氏等四名可見地方官未將從前諭旨剴切曉諭鄉民尙未深悉

聖祖仁皇帝與朕重惜民命之至意以致民間婦女激烈捐軀者更多於前嗣後若概予旌表恐轉相則倣易至戕生深可憫惻著地方有司將朕前旨廣爲宣布俾遐陬僻壤家喻戶曉倘宣諭之後仍有不顧軀命輕生從死者不概予旌表以長閭閻憤激之風欽此欽遵在案又乾隆元年五月內原任

順天府府尹陳守劄

題宛平縣烈婦孫氏請旌一案臣

部查孫氏夫亡殉節事宜奉

旨禁止之後照例以毋庸旌表等因議覆具 題欽奉

諭旨孫氏着加恩旌表欽此欽遵各在案今正白旗滿洲前鋒長伍保之妻車佳氏因夫亡盡節事在奉

旨禁止之後可否旌表出自

聖恩臣等未敢擅便謹恭 疏具 題伏候

諭旨遵行謹 題奉

旨車佳氏着加恩旌表欽此乾隆二十年四月初四日邸抄

八歲幼女強姦不從被勒身死毋庸 旌表案

刑部爲據實報明事該臣等會看得石爭氣強姦幼女白三姐未成勒死滅口一案據直督方 疏稱乾隆十六年

閏五月二十一日白三姐在于村外廟前拾柴適石爭氣經過見白三姐在彼頓萌淫念起意圖姦說稱廟內有柴白三姐信以爲實獨自進院石爭氣尾隨將白三姐抱進廟內放倒在地強解白三姐褲帶拉下右腿之褲白三姐啼哭不允石爭氣用右手按住白三姐左胳膊左手將已褲拉下欲姦因白三姐幼小恐不能成姦隨用左手大指

向白三姐陰尸橫行坂空以致血流骨開并將脊背後肋  
墊傷白三姐哭喊益甚石爭氣恐人聽聞未敢成姦因思  
素日與白三姐熟識慮其歸訴敗露起意致死滅口遂坐  
其腿上搭起白三姐褲帶將脖纏繞用力抽勒以致白三  
姐立時殞命將石爭氣依例擬斬立決白三姐附請

旌表等因具題前來應如該督所題石爭氣合依強姦十

二歲以下幼女因而致死者照光棍斬決例應擬斬立決  
再該督疏稱白三姐年僅八歲似屬尙無知識但旣因  
遇暴強姦哭喊不從致被勒死情殊可憫伏查乾隆十一

年四月內刑部議覆蠡縣王二胖強姦劉思凡十一歲幼  
女劉全姐不從用鎌砍傷身死一案將劉全姐照例請

旌奉

旨依議欽遵在案今白三姐應否亦准予

旌表之處相應附疏聲明聽候部議等語查強姦不從以致身  
死者例予

旌表今該督雖稱白三姐被石爭氣誘姦扯衣之時啼哭不從  
致被勒死情殊可憫但年僅八歲並無知識其石爭氣旣  
經擬斬正法亦足以慰厥幽魂應毋庸擬予



旌表可也奉

旨石爭氣著卽處斬餘依議乾隆二十年三月二十五日卹抄

琉球國官生准其入學讀書案

禮部爲遵

旨議奏事內閣抄出翰林院侍講全魁等奏琉球請遣官生

入學讀書據詞代奏一摺奉

旨該部議奏欽此欽遵查康熙二十三年

冊封使臣翰林院檢討汪楫康熙五十九年使臣翰林院檢討

海寶等事竣回京俱奏稱該國王懇求轉奏令陪臣子

弟入學讀書經臣部覆准具奏奉

旨依議欽此隨據該國王前後遣令官生到京臣部并扎國子

監讀書三年遣令歸國各在案今翰林院侍講全魁等既稱該國王尙穆向化輸誠懇請陪臣子弟入學讀書應如所請准其於應貢之年遣令來京臣部札行國子監肄業俟

命下之日行文福建巡撫轉行該國遵照可也等因奉旨依議乾隆二十二年五月十八日邸抄

遣封琉球兵役在番滋事案

大學士公傅等爲嚴懲糾衆挾制滋事不法之兵役以昭炯戒事據總督喀等奏隨封琉球兵役陳國棟等在番滋事一摺等因乾隆二十二年五月二十二日奉

硃批軍機大臣會同三法司核擬速奏欽此該臣等會同刑部都察院大理寺會看得隨封琉球兵役陳國棟等在番滋事一案據部院喀等奏稱切照跟隨

冊封使臣前往琉球兵役理宜格遵

功令安靜守法前據中軍副將竇寧稟稱兵役在番或爭買貨

物或虛報價值角口打降種種滋事臣等恐伊等尚有藉端需索銀兩情弊當卽檄飭兩司移提兵役嚴究寔情從嚴辦理業經附摺 奏明在案臣鍾 後訪聞兵役尚有挾制使臣阻送水菜勒令移咨國王加賞恤銀各情節又經飭司一併嚴究去後茲據福建布政使德 按察使史 率同府縣審擬呈解前來臣等會同提犯親鞫係陳國棟朱華朱文彩林賜殿元德俱係各營管隊與營兵翁元黃登并衙役姚章等獲送封使配坐兩船前往琉球頭號船隻於乾隆二十一年六月二十四日在姑米山遭風

打破貨物衣服被水濡濕經球人駕船接往該國王送有衣被銀五千兩兵役水手匠作一百三十六人勻分得銀三十六兩七錢零衆兵尚不滿欲因在番傳問上屆隨往兵役每名有贈銀一百二十八兩管隊陳國棟聞知意欲求稟使臣行文取給當卽率衆前赴公館稟求未准陳國棟與兵丁翁元黃登及皂役姚章同赴公給所領取水菜翁元黃登以使臣不加憐恤將水菜押住未送時陳國棟姚章從中附和旋經使臣家丁及通事人等再四查催始行送進七月二十四日使臣牌示定於二十七日前往致

祭已故國王翁元黃登復聲言恤賞未給兵丁不去伺候  
姚章亦稱衙役亦不跟隨屆期仍各隨往至八月十六日  
各兵役俱在神廟還願陳國棟卽起意糾眾挾制主謀倡  
議不論兵役工匠水手前赴公館再求使臣傳諭補呈遂  
各散回陳國棟因免通事鄭殿枚親丁鄭孝本寫就無名  
公呈紙邀眾投遞翁元黃登聲言如有一人不到卽行打  
死是日惟船戶林萬安所僱出海之高長師未到翁元黃  
登卽赴長師寓所打鬧毀碎碗盞至十月內該國王差送

銀二兩分給兵丁每名一百二十兩親丁匠役水手每

名一百兩又翁元與使臣僱用親丁林陞買紬角口邀同  
黃登將林陞扭毆并搶其瓶袋擲棄海中姚章因琉球承  
應公館之人買物來遲掌打跌地磕傷拾轉黃登因嫖宿  
番妓將不識姓名夷人混加毆打林陞又勾引番妓姦宿  
與親丁劉光國爭風毆鬧將光國鬍鬚扯落兵丁任貴向  
夷人買布不允混行辱罵復與通事鄭姓爭鬧更有投充  
巡役民人梁大有與夷官蔡宏謀索討欠銀不給輒扭其  
衣領將鬍鬚帶落數根其二號護船亦在姑米山遭風飄  
回打壞另換船隻於十二月十二日始抵琉球該國王查

照頭船之例通給衣被撫恤銀二萬六千兩衆兵役人等亦照前數分領船內有帶貨物因被水淹浸該國王不允承買賂給出入關口報稅銀三千兩時有兵丁鄭仲亮林昌鵬虛報貨物欲冒分稅銀兵丁陳炳張云錦林長桂許汝龍俱未帶貨亦欲勻分隨稟明都司陳嘉言將稅銀分給船戶一千兩其餘二千兩在船共一百八十六人各分十兩餘爲酬神演戲之用以上各節節逐一隔別研鞫俱各供認不諱將陳國棟依例擬斬立決梟示翁元黃登擬斬立決朱華朱文彩林賜毆元德姚章擬絞監候任貴等

擬遣鄭孝本擬以杖枷等因具

奏前來查例載刁民因事逞兇聚衆抗官者爲首依例斬決仍照例梟示其同謀聚衆轉相糾約者雖屬爲從其同惡相濟審與首犯無異亦應照光棍例擬斬立決其餘從犯照例擬絞監候被脅同行者照例各杖一百等語今兵役陳國棟等跟隨

冊封使臣前往琉球國體攸關自應安靜奉法乃瞻藉遭風名色始而聚衆求賞迨不遂意輒敢阻送供給聲言不往同候甚至投呈挾制迫脅隨從目無法紀較之內地刁民聚

衆抗官者情罪尤重自應嚴加懲創以彰

國憲應如該督等奏陳國棟倡議聚衆遞呈號召挾制寔爲此案渠魁合依刁民聚衆抗官爲首例擬斬立決仍照例臬示翁元黃登倡言阻送水菜不往伺候復因船戶不到逞兇打開恃強迫脅均屬同惡相濟法難輕縱翁元黃登除宿娼紛爭各暨罪不議外俱應照爲首例擬斬立決朱華朱文彩林賜毆元德同謀具呈姚章附和挾制亦均屬同惡相濟不應如部院所擬照爲從例擬絞監候朱華朱文彩林賜毆元德姚章改照同惡相濟與翁元黃登一例

斬立決任貴梁大有林陞劉光國雖未同謀但隨同行寔屬爲從亦均不應如該督等所擬照兇惡棍徒例擬應照爲從擬絞監候移後處決再此案擬以枷杖之鄭孝本及未經提到各犯均應嚴行治罪以示懲儆既據部院等奏稱尙有現未提到各犯應令部院將各犯嚴行拘齊與現在擬以枷杖各犯一并從重分別定提到日再行定擬至部院等奏稱船戶高長師因被打鬧無奈隨行應予免議管兵千總劉顯宗都司陳嘉言鈴束不嚴縱兵滋事業經另案糾參應如部院等所奏原案從重完結至欽差政

使全魁副使周煌聽從兵役挾求遽准行文加給賞恤各  
亦難辭應請交部嚴加議處再現擬斬決之陳國棟等各  
犯恭候奉到

諭旨之日卽行正法仍集琉球國在閩陪臣通事人等令其觀  
看其使臣到京日并將辦理此案各情節明白曉諭庶見  
天朝法律森嚴俾知咸服再部院等

奏稱各犯所得銀兩人數衆多一時不能追齊應請先於司  
庫酌動備公銀兩按數發還該國王收領仍在兩船分得  
各人名下勒限嚴追還欸一語查兵役等項次因遭風失

去行李該國王送到衣服銀五千兩雖係該國王辰誠致  
敬理應接濟之項例得免追但該兵役等復妄行強索情  
殊可惡均應如該部院等所奏辦理仍令部院等着原派  
兵役不行慎選之該地方官立即追完還欸等因奉

旨陳國棟着卽處斬梟示翁示黃登朱華朱文彩林賜殿元德  
姚章俱着卽處斬任貴梁大有林陞劉光國俱依擬應絞着  
監候秋後處決陳嘉言劉顯宗俱着革職拿解來京交刑部  
會同軍機大臣嚴審定擬具奏餘依議乾隆二十二年五月

三十日邸抄

會同軍機大臣嚴審案跡具奏給外結詳習二十二日正人  
 盤剝外錄與夾刺嘉青隆恩 崇身養革細拿贈來京交候  
 職章具眷唱或神武貴榮大 育林樹隆水國具於對顯效  
 旨刺開琳眷唱或海泉示余宗 黃登來華米文澤林顯顯示  
 具對不許其遊去其出 官立唱並宗嚴嚴等因奉  
 奉旨照所請欽此欽此欽此 派奏轉照所令將劉榮眷與水  
 帶聖恩對齊之既國於 嚴身結外等與交行商索費  
 去亦李新圖王送匪亦罪 嚴五千兩銀對海國王恩結

高麗人偷越打魚案

禮部為據報事查乾隆六年准寧古塔將軍咨報拿獲朝  
 鮮國越境人新諾代年等一案經臣部議覆係覓食逃生  
 貧民令該將軍將新諾代年等二十五名口解送

盛京將軍交與朝鮮國領時憲書之員後順便帶回等因  
 具題奉

旨依議欽遵在案今據船廠將軍咨報拿獲越境打魚之高麗  
 人韓尚林李桂新二名既據該將軍訊明因該國連年不  
 收受餓不過偷越打魚剝樹皮養膳家口並無別故亦無



軍器等語是與乾隆六年越邊之新諾代年等同一覓食窮民且人數較少應照例令該將軍將韓尚林等二名解送

盛京將軍衙門俟朝鮮國領時憲書員役到京事竣回國順便帶回知照

盛京將朝鮮國辦理可也等因奉

旨依議乾隆二十一年九月二十八日邸抄

軍需年久無憑開造細冊准以九折核銷案

工部題為酌項解備剿番軍需詳請題明事該臣等查

得副督喀 疏稱臺屬雍正九十兩年征剿番匪製造帳

房鐵鍋併辦用鹽燭鍋碗等項用過銀兩請銷一案先經

前任督臣郝玉麟造冊請銷經部以未經開明觔重丈尺

駁令開造續經臣以事歷年久經手承辦之員陞遷事故

原造各物又已無存無憑開造咨部請以九折核減造冊

送部復准部覆行令將冊內粘簽之處飭令分晰另冊

題銷等因轉行遵照去後茲據福建布政使德 詳稱查臺

軍政

屬雍正九十兩年番匪作反奉調官兵征剿事起倉卒其製脩一應軍裝需用物料刻呼刻慮方免貽誤當此軍務要需隨辦隨送一切動用細數未經詳記檔案亦屬一時倉卒辦理實情今已歷二十餘年經手各員均已物故無可查詢卽如原辦之金門鋪總兵李之棟現在咨查籍貫杳無着落若再逐員咨查徒使塵案難結於公事無益兼之臺地鹹潮斥鹵各項軍械什物久已朽壞無存現在承造報銷冊籍之員事非伊任經手吏書久經屢易既無案據又無原物可憑實難懸擬造報致踏捏飾混開之咨詢

非推諉茲據該府縣聲明實在難遵部行開引勅重文尺查動用銀兩原係彼時軍前實用實銷並無浮捏應仍請九折核減實請銷銀三千四百一十六兩七分零減核銀三百七十九兩五錢六分零在于原承辦各官的屬名下照數追完轉造清冊詳請 題銷並聲明此案實因臺灣遠隔重洋風信靡定先據具覆無憑分晰造冊輾轉移查原辦各員人亡無着復經駁飭往返需時遲延實屬有因各員職名應免開報等由前來臣復查無異除冊送部外臣謹會同福建撫臣鍾音合詞具

題等因前來查閩省征剿臺番製造鍋帳燭盞等項用過銀兩一案先經該督以事屬年久承辦之員久離閩地莫從查詢兼以原製之物又以損壞難從懸擬均請通盤九折准銷經臣部以報銷案件俱照冊報逐款核算未便以委員難從懸擬遽行折算請銷將原冊逐細粘簽飭令分晰聲明另造妥冊題銷在案今據該督疏稱雍正九年兩年番匪作反官兵征剿事起倉卒一應軍裝物料隨辦隨送動用細數未經記檔亦屬一時倉卒之情形今已二餘年承辦各員均已物故無可查詢兼之臺地鹹潮各

項軍裝久已朽壞現在造冊之員事非伊任既無案據又無原物可憑難開明劬重丈尺動用銀兩原係軍前實用實銷並無浮捏應仍請九折核銷臣部查核銷各案均以寸尺劬重為憑按例核算從無籠統九折准銷之例是以前經駁銷在案今該督既稱軍需緊急隨辦隨送動用細數未經記檔今已二十餘年辦員均已物故軍裝又俱朽壞實難開明劬重丈尺等語即往返駁查承造冊籍之員仍屬無憑開造徒使積案久懸臣部仍將原冊查核所開各件籠統銀數尙與各省准銷之數無浮應如該督所

請所有用過銀三千七百九十五兩六錢四分二毫一絲五忽按照折算應准銷銀三千四百十六兩七分六厘一毫九絲三忽五微其折減銀三百七十九兩五錢六分四厘二絲一忽五微應令該督轉飭勒追完報至造冊遲延各員職名既據該督將臺灣遠隔重洋輾轉移查往返需時遲延實屬有因之處聲明應毋庸議併知照戶部臣等未敢擅便理合具 題奉

旨依議乾隆二十年七月十六日邸抄

官兵私換馬匹治罪議處案

刑部爲叅奏事先准協辦陝督劉 叅奏涼莊解馬官兵私換馬匹一案內稱涼莊解馬兵丁恐馬匹平常不能卽速交用見寧夏馬匹腴壯將挑選之馬與寧夏兵丁私相抽換希冀全交該協領明德等雖據稱實不知情但不能察出作弊情由卽屬溺職請交部嚴加議處等語臣部議以協領明德旣不能管餒于前復漫無覺察於後殊屬溺職應照溺職例革職其涼莊解馬官弁應議各職名行令涼莊將軍查明送部再行查議等因 題准在案今于乾

隆二十年六月二十一日准涼川將軍烏彌泰咨稱查出涼莊換馬兵丁照依部文嚴行治罪但查抽換戰馬律無正條應照不應重律杖八十因係抽換戰馬再加一等鞭九十時值熱審照例減一等發落訖應將涼莊解馬官員職名造冊咨送查議等因前來應將該將軍送到之涼莊解馬官弁佐領吳蘭太保勒盧斌防禦杜宗備和德韓敏納查蘭太朔經阿驍騎校碩爾岱六十一存桂雅蘭太巴觀莊浪佐領僧格法善金琇防禦張榮驍騎校何伸德阿爾圖等均照溺職例革職至涼莊私換馬匹兵丁既經該

將軍報明擬以杖八十治罪應毋庸議可也等因奉

旨現議革職之官員等其平素行走如何之處着該將軍出具考語送部帶領引見欽此乾隆二十年七月邸報

斥革武舉謀克蘇祿國使臣治罪案

禮部等部爲具報事會議得福建巡撫陳 疏稱蘇祿國  
蘓老丹嘛喊味安柔律隣遣使勞獨萬渣喇率領目丁通  
事等齎捧

表文方物由該國附搭楊大成船隻來閩進

貢臣卽檄行查詳去後據布政使德舒呈詳安插館舍造具  
進貢官伴方物數冊請 題查蘇祿國僻處海外效順已  
久今欲以疆土人丁戶口編入

天朝圖籍此皆

聖德覃敷光被四表異域傾心文詞恭謹似應准其入

貢所請舉國內附遠隔重洋未敢輕議然其傾心向化亦見其輸誠効順之意不敢雍於

上聞所有攜帶土產貨物該夷自行照例貿易免徵關稅至給

廩米蔬薪鹽菜等項銀兩于地丁項內分別動支報銷等

因具題前來謹按蘓祿國遠隔重洋雍正五年始奉

表通貢至乾隆七年該國復遣使航海輸誠再修職貢茲該國

王以先世久沐

天恩實難報効嗣位以來追念日切敬遣親臣齎捧

表文方物附搭楊大成船隻來閩進

貢按該國効順已久應准其入貢臣部行文該撫驗明方物

支給勘合夫馬委員伴送來京再該撫疏稱該國僻處

海外願以地土人丁戶口編入

天朝圖籍其傾心向化不敢雍於

上聞等語欽惟我

皇上怙冒如天至仁育物溥海內外罔弗臣服是以窮島荒夷

傾心向化納貢

天朝則該國之土地人民卽在

聖朝統御照臨之內今該國王又懇請來年專使齎送圖冊之處應毋庸議再該撫疏稱船戶楊大成卽雍正巳酉科武舉楊廷魁因弟濫保船戶盜賣兵米案內廷魁在縣堂倚勢咆哮詳咨斥革在案今管駕楊大成牌照出洋以致蘇祿國列爲副使現飭交原籍管束等語查雍正五年蘇祿國進貢副使龔廷綵乾隆七年進貢正使馬光明俱係內地民人逗遛外國自克該國使臣向例俱照正副使頒賞聽回蘇祿在案馬光明旋於乾隆十二年因在番倚勢往來內地生事經該撫奏明交刑部治罪亦在案今斥革武舉

楊廷魁原係多事之人復藉出洋貿易冒充蘇祿副使若不嚴懲示儆誠恐內地民人習爲常例藉此名目在番滋事楊廷魁不應如該撫所題僅交原籍管束查例載交結外國互相買賣借貸誑騙財物者問發邊遠克軍等語今楊廷魁前因咆哮公堂斥革武舉乃並不悛改膽敢冒照出洋謀克蘇祿國副使實屬不法若照交結外國誑騙財物之例擬軍留於內地仍恐生事擾民應將楊廷魁改發黑龍江當苦差行令該撫查僉妻室卽行解部發遣臣等并請行文該督撫知照該國王嗣後凡出洋貿易內地民



人毋得令其承克正副使臣如仍有借端生事妄爲者應  
令該撫奏明嚴加治罪庶無知愚民知所懲儆可免生事  
之弊而中外得以相安至該國帶來貨物應聽該夷目行  
貿易免徵稅餉仍令該撫查明交易貨物數目造具清冊  
咨報戶部查核所有正使番目通事等應給廩米蔬薪鹽  
菜等項銀兩俟事竣之日該撫造冊報明戶部核銷再楊  
廷魁既經治罪所有該國貢使事竣回國該撫仍將如何  
配駕船隻遣發之處於題報回國日期疏內一併聲明可

也奉

日依議  
乾隆十九年三月初四日邸抄

令該撫奏明嚴加稽查無知商民知所懲儆可免生靈  
 之弊而中外得以相安至該國帶來貨物應聽該商  
 貿易免徵稅餉仍令該撫查明交易貨物數目造具  
 咨報戶部查核所有正使番目通事等應給與米  
 菜等項銀兩俟事竣之日該撫造冊報明戶部核  
 廷恩既經治罪所有該國貢使事竣回國該商將  
 囉駕船隻遺棄之處於題報日期限內一體詳  
 旨咨請 諱劉十八年三月二十四日題

閩省販運番米糶濟分別議叙案

戶部為遵

旨議奏事該臣等議得閩浙總督岑 等奏急公運米之商民  
 請

旨加恩議叙一摺查該督等既稱閩省販洋商民由各番購運  
 回廈糶賣雖無減糶銀數可計但其挾貲遠涉外洋購運  
 販米赴廈糶濟使市價常平實於邊海民食有益等語應  
 如所請准照該督等原奏分別議叙應將運米五千石糶  
 賣之監生連士瓊給與主簿職銜運米二千石以上糶賣

之監生鄭國珍給與吏目職銜運米四千石以上糶賣之  
民人陳文英等均給與八品頂戴臣部查照該督等所開  
各生等名單註冊存案再查閩省地處邊海歲產不敷民  
食外番糶米轉運流通殊屬有益今蒙

皇上聖恩准予議叙將來商民踴躍似此販運回閩者必多若  
不定以限制恐已邀

恩議叙給有頂戴職銜者再行有議叙之處難以加增有乖體制  
臣等酌定嗣後運米生監民人未邀議叙者仍照該督奏  
定各條分別議叙其已邀議叙者生監職銜未加至縣丞

民人頂戴未加至七品者仍照米數分別遞加若生監已  
遞加至縣丞職銜民人已遞加至七品頂戴又經購運米  
石數多者應令該督酌量獎賞以示鼓勵毋庸再議加給  
職銜頂戴至陳綿發周福二員既未據詢明取結應令該  
督另案辦理可也等因奉

旨依議乾隆二十年六月邸抄

內地民人在番地聽許僞職爲匪滋事分別治罪案  
刑部爲審明定擬請

旨完結事該臣等議得閩督喀 等奏稱切照乾隆二十一年  
七月十八日據安南國將廣東民人李文光等十六名交  
托漳州鎮據失風外委把總沈神郎附帶回廈并有來書  
一函交單一紙卽經臣等恭摺奏

聞在案隨將李文光等提赴省城臣鐘音率藩臬兩司嚴加勘  
問緣李文光與何輝夥販藥材於乾隆九年同往安南順  
化地方貿易遂與阮姓熟識互相往來另有祿賴狗犯地

方亦係安南所轄土地肥美阮姓與祿賴留守袁全者自蓄陰謀欲圖踞佔值李文光何輝在彼生理誘入夥中許以偽職給以銀錢令赴祿賴造船招人行事又有謝四李廷雄陳福符國勳流落彼疆并糾入夥俱由順化而至祿賴李文光招募工匠四十餘人採木造船教習拳棒遂被番官名詮者覺察捉拿在廠工人林明等與番軍互相格鬪將其番官毆傷身死番軍亦將林明等殺傷八九人其餘李文光一于人衆盡被拘執此係乾隆十二年四月十一日之事也迄今十載斃于番獄者二十餘人在彼逃脫

者二人現在解回者一十六人內李文光何輝謝四李廷雄陳福符國勳等六人皆係同被誘騙預知謀情之犯其餘陳天吳昌貴陳紹興何品昌王仙莫欽葉一富瀨蔡陳葉林文寶等十名係李文光所僱之工匠皆未知圖謀祿賴情由者也當李文光被獲時惟恐該國刑戮捏稱千總因放李開花罷職等語希圖脫騙解回其寔並非做過千總亦無放走李開花之事以上情節隔別研鞫矢口相同核之該國來字交單亦屬符合臣等查粵省邊界毗連安南商船相通出來已久內地民人或失風漂流或挾資貿易

往來彼境者日繁有徒我

聖朝懷柔萬邦兼覆並載惟恐出洋人等不安本分騷擾番邦  
故凡交結外國誑騙財物引惹邊釁及潛住苗寨教誘爲  
亂貽患地方等類俱奉

欽頒會典著定科條稍有違犯從嚴懲治茲查李文光等在番  
滋事原由彼處土豪誘習而成當年敗露之日或被殺傷  
兼多監斃其餘生存人等幽禁多年不早解回決斷已屬  
在

恩赦以前惟是安南僻處蠻陬同沾

聖化彼時不敢將李文光等擅自加誅仍復送歸請示  
其懷服之忱伏思我

皇上包荒無外昭示大公所以綏輯遠方者在嚴懲奸慝應請  
將李文光及何輝謝四李廷雄陳福符國勳等六人俱照  
交結外國誑騙財物教誘爲亂例問發邊遠充軍李文光  
先在內地充兵後往外洋生事尤屬不法應請解部發往  
黑龍江等處給與披甲人爲奴以示炯戒陳福年逾七十  
仍照例收贖至陳天等十人俱係李文光造船僱募圖趨  
工資途窮依附並非知情爲匪之徒均請解回各原籍交

與親族保領收管不許再行出境再廣東千總黎德輝與  
閩省把總沈神郎胡連屬在彼自相爭鬪各訴是非一節  
現查黎德輝現在安南無從查問曲直應俟黎德輝回粵  
之日另行訊擬完結理合會摺具奏等因一摺奉

硃批該部議奏欽此該臣等查律載軍人私出外境因擄掠而  
傷外境人爲首者斬監候爲從者杖一百發邊遠充軍等  
語今李文光曾在內地充兵輒敢私出外境受財造船招  
衆聽許僞職以致林明等毆死番官殊屬不法僅照該督  
等所擬發遣爲奴未足蔽辜應將李文光改照軍人私出

外境而傷外境人爲首者斬監候律應擬斬監候秋後處  
決何輝謝四李廷雄符國勳陳福均依爲從律發邊遠充  
軍查僉妻室定地發遣陳福雖年逾七十不准收贖陳天  
等十人該督等雖稱俱係造船僱募審非知情爲匪但圖  
利依附亦屬不合應將陳天等均照不應重律杖八十遞  
回各原籍交與該地方官嚴行管束不許出境至千總黎  
德輝與把總沈神郎互鬪之處應令該督等俟黎德輝回  
粵之日另行訊擬完結可也等因奉

旨李文光依擬應斬着監候秋後處決餘依議乾隆二十一年

十月二十一日即抄

...

...

...

...

...

...

...

...





所入  
圖  
書

